



**Avgvstini Barbosæ, V. I. D. Lvsitani, Protonotarii
Apostolici, & sacrae Congregationis Indicis Consultoris,
Nvnc Electi Episcopi Vgentini, Tractatvs De Canonicis, Et
Dignitatibvs, Aliisque ...**

Barbosa, Agostinho

Lugduni, 1658

10 De Magistro scholæ, siue Scholastico.

[urn:nbn:de:hbz:466:1-98570](https://nbn-resolving.org/urn:nbn:de:hbz:466:1-98570)

CAPVT X.

De Magistro scholæ, seu
Scholastico.

S V M M A R I V M.

- 1 Magister scholæ, nonnullis Scholasticus, est scholæ præpositus, siue præfectus.
- 2 Scholasticum, id est, obtinentem Scholasteriam instituendi formam præscribit Concil. Trid. sess. 23. de reformat. cap. 18. vers. deinde.
- 3 Scholasteria necessario conferenda est Doctori, vel Magistro, aut Licentiato in Theologia, vel Iure Canonico, dummodo sit in aliqua Vniuersitate approbata graduatus.
- 4 D. Torquatus Perottus intus cubicularius, & maior Capellanus S. D. N. Urbani VIII laudatur.

QUOD L I M in Ecclesiis Cathedralibus vnus constitui solebat, qui Clericos omnes inferiores, cantum, Latinum sermonem, & alias, artes, ac disciplinas doceret, vt scirent Latine legere, scribere, loqui, & cantare, & vt quæ de Officiis diuinis recitarent, probè intelligerent, hic Magister scholæ dicebatur, qui modò in nonnullis Ecclesiis dicitur Scholasticus, alijs Scholarchus, hoc est, scholæ præpositus, siue præfectus, de quo licet in Iure titulus specialis non extet, nec ab eo cognitus fuerit eo modo, & forma, qua in vsu modò est in omnibus ferè Hispaniarum Ecclesiis, in eis tamen iam hodie ex particularibus Ecclesiarum statutis, & istorum beneficiorum erectione de principalioribus est Dignitatibus Cathedralium. Vide Duaren. de benef. lib. 20. c. 15. Hieron. Roman. de Republic. Christiana lib. 3. c. 10. in med. vers. Mestrescuola, Greg. Lop. l. 7. tit. 6. p. 1. Petr. Gregor. syntagm. iuris lib. 15. c. 19. Saudou. de Offic. Can. p. 5. c. 3. Azor. instit. moral. p. 2. lib. 3. c. 23. Fulu. Pacian. de probat. l. 2. c. 27. ex n. 107. Valer. Reginald. in praxi fori pœnit. lib. 30. tract. 1. c. 3. n. 50. vers. decima. Mich. Ferr. in tract. de precedent. Ecclesiast. q. 5. num. 17. atque 30. per tot. Sebast. Cesar de Eccles. Hierarch. p. 3. disp. 12. §. 4. Machado en su perfecto Confessor. lib. 4. tract. 6. docum. 3. qui omnes late tractant de officio, munere, & dignitate Magistri scholæ, seu Scholastici.

- 2 De eo expedite fit mentio in Concil. Trid. sess. 23. de reformat. c. 18. vers. deinde. vbi postquam multa de seminario eligendo pie, & sanctè statuit, formam præscribit constituenti Scholasticum, id est obtinentem Scholasteriam, his verbis. Deinde vt cum minori impesa huiusmodi scholis instituendis prouideatur,

statuit Sancta Synodus, vt Episcopi, Archiepiscopi, Primates, & alij locorum Ordinarij Scholasterias obtinentes, & alios quibus est lectio, vel doctrina munus annexum ad docendum in ipsis Scholis instituendos per se ipsos, si idonei fuerint, alioquin per idoneos substitutos ab eisdem Scholasticis eligendos, & ad Ordinariis approbandos etiã per subtractionem fructuum cogant, & compellant. Quod si iudicio Episcopi digni non fuerint, alium, qui dignus sit, nominent, omni appellatione remota: quod si neglexerint, Episcopus ipse deputer. Docentur autem prædicti qua videbuntur Episcopo expedire. De cetero verò Officia, vel Dignitates illæ quæ Scholasteria dicuntur, non nisi Doctoribus, vel Magistris, aut Licentiatis in sacra Pagina aut in Iure Canonico, & alijs personis idoneis, & qui per se ipsos id munus explere possint, offerantur, & aliter facta prouisa nulla sit, & inualida, nõ obstantibus quibusvis priuilegijs, & consuetudinibus etiã immemorabilibus.

Vnde colliges Scholasteriam necessario conferendam esse Doctori, vel Magistro, aut Licentiato in Theologia, vel Iure Canonico, alijs prouisionem esse nullam, & tradunt Bennis de priuileg. Iuriconsult. priuileg. 28. numer. 6. Molfes. in summ. Theologie Moral. tract. 6. c. 4. n. 104. & 105. Machado d. docum. 3. n. 2. dummodo sit in aliqua Vniuersitate approbata graduatus, quamuis non sit ex illis, quæ existerent in illa regione, in qua esset Scholasteria, prout refert decisum Nicol. Garc. de benef. parte 7. cap. 7. n. 35. quem cito Ego ipse de officio, & potest. Episcopi p. 3. alleg. 60. m. 62. Sed aduertas quod post Nicol. Garc. in addit. ad d. num. 35. notat. Solorzan de iure Indiarum lib. 3. c. 14. num. 18. directum illud Concilij non comprehendere Scholasterias existentes in loco in quo erectum non est seminarium, vel vbi in eius institutione alij præceptores sunt designati.

Huic profectò patrocinator sententiæ Illustriss. & Reuerendiss. D. meus Torquatus Perottus, quem summæ auctoritatis, & honoris hic causa nomino, Saxoferatensis patricius, Urbani VII Intus Cubicularius, & maior Capellanus, ac proximus, vir & morum, & generis nobilitate conspicuus, cui quidem præterquam quod veluti suorum iure hereditario diuite eruditionum cornu (vt aiunt) copia circumfluat: nihil adhuc est potius, & antiquius quam sui ciuis Bartoli ingenio, labore, & meditatione lustrare, & implere vestigia. Itaque non mirum est, si hanc litterarum, quæ in se videt, in alijs quoque pulchritudinem deam, atque eos quidem iuuandi, protegendis, & prouehendi amore, & officio prosequatur. Quid plura? vir præterea, quem si suis de virtutis, naturæ & fortunæ dotibus ignorasses, intuendo dumtaxat, ex augusta facie, ad omnia summa natum indicares.